

BESCOMTE REGIOUNAU

PACA, Sud, aro en moussèu: prouvençau, azurin, aupin e roudanen... (pajo 2)



Prouvènço d'aro

Tóuti li mes, lou journau de la Prouvènço d'aro

Setèmbre de 2018

n° 346

2,10 €

Li laureat 2018

“Escriéure en lengo d'Oc”

Prèmi Jòrgi Gibelin : Conte

- 1ex) Maria Andrea e Elisa Alvergne : La legenda de la fontassa
- 1ex) Francis Cournut : La missanta maire
- 3) Pèire Thouy : La sanha reviscolada

Prèmi Antòni Fortunat-Marion: Estùdi

- 1) Gabi Moosna : Aquela empega
- 2) Crestian Jourdan : La mort dóu lapin
- 3) Marineto Mazoyer : L'arbre de Nadal

Prèmi de la trobairitz Justina : Letro

- 1) Rosa Mioch : Letra a Olimpia
- 2) Mounico Bellegarde : Letra al Paire Nadal
- 3) Danièla Montagner : Letra

Prèmi Victor Gelu : Nouvello

- 1) Crestian Belloc : L'Estagi
- 2) Crestian Jourdan : Vièi rainaire reboursié
- 3) Joaquim Blasco : In memoriam Joan Pau

Prèmi Jòrgi Rebolu : Pouèmo

- 1ex) Amy Cros : La vida umana
- 1ex) Gerard Roussel : Vermelhon
- 3) Genevivo Landes : Istòria d'un ivèrn

Prèmi Jósè Roumanille: Umour

- 1) Tricio Dupuy : Lou pres di crouqueto
- 2) Gerard Judet : Una petita istòria de caça
- Ges de 3en

Escriéure en lengo d'Oc

Lou concours engimbra pèr Leis Amis de Mesclum, es dubert en tóutei lei publi (escoulàri, estudiant, adulte), en tóutei lei formo d'escriuro : nouvello, conte, pouèmo, umor, letro, bando dessinado e en tóutei lei grafio.

La dato limito de mandadis pèr lou concours venènt es lou 1er d'abrièu de 2019.

Lei tèste soun a dreissa pèr mèl a marnaudmesclum@orange.fr

Ensignaire, pensas de faire councourre vòstrei escoulan novèu, e brave mounde, parlas n'en à vòstrei counouissènt qu'es toujours uno bello causo de faire resclanti : la lengo nostro.

Frederi Mistral, l'anniversàri



Fèsto mistralenco à Maiano

Dimenche 7 de setèmbre

Cèntrè Frederi Mistral à 18 ouro e miejo, Vernissage dóu counours fotò.

Dissate 8 de setèmbre

Dins li carriero de Maiano, à 10 ouro e miejo: Vesito guidado dóu vilage pountuado d'aneidoto pèr Enri Moucadel, istourian dóu vilage.

Plaço di Cafè à 11 ouro e miejo: Cant pèr lis enfant dis escolo.

Au Museon Mistral, à 14 ouro: Vesito gratuito dóu Museon sus lou tèmo “Un oustau de pouèto”.

À la Bibliotèco, de 15 ouro à 17 ouro: Ataiè pèr li drole.

Au Museon Mistral à 16 ouro. Vesito gratuito dóu Museon sus lou tèmo “Mistral intime”.

Dins lou jardin dóu Museon, à 17 ouro. Renié Moucadel, autour e pouèto maianen animara un debat autour dóu tèmo: “*Une année dans la vie de Mistral, il y a 150 ans. 1868.*”

Dins li carriero dóu vilage à 19 ouro. Animacioun musicalo emé Théo Pastor e lou groupe Bandùra.

Plaço di Cafè à 21 ouro. Grand councert de musico dóu mounde emé Théo Pastor e lou groupe Bandùra.

Dimenche 9 de setèmbre

Tout de-long de la journado, dins li carriero

dóu vilage, fiero i libre regiounalisto emé tambèn un estand de l'Ataiè dóu Costume de Maiano.

À 10 ouro. Messo en lengo nostro, seguidó dóu roumavage au cementèri e de l'oumenage dóu Felibrige au pouèto, Frederi Mistral, emé la participacioun di Cardelin e dis Aralatenco en coustume.

Cèntrè Frederi Mistral, à 13 ouro. Repas sus reservacioun au 04 32 61 93 86.

Cèntrè Frederi Mistral, à 15 ouro. Counferènci e diapourama anima pèr Enri Moucadel, istourian dóu vilage sus lou tèmo: “*Un siècle d'agriculture à Maillane. 1850/1950.*”

Plaço di Cafè à 17 ouro. Espetacle dóu Moulin de Bretole.

Plaço di Cafè à 18 ouro. Tradiciounau councert de la Muso Maianenco.

La cansoun de Santo Fe

La culturo di troubadou es uno serp de mar que tourno dins la literaturo...

Pajo 6

Journado Francés Jouve

Dissate 22 de setèmbre à Bedoin, presentacioun dóu libre “D'aquéu Jouve”...

Pajo 8

Nouvello de la Mar de Berro

Li chivau de mar soun de retour dins li 900 milioun de m³ d'aigo de l'estang...

Pajo 4